

ლანჩხუთის მუნიციპალიტეტის საკრებულოს  
„იურიდიულ საკითხთა და ეთიკის“ კომისიის  
სხდომის ოქმი N10

ქ. ლანჩხუთი  
19.12.2024 წელი  
12:00 საათი

სხდომას უძღვებოდა: „იურიდიულ საკითხთა და ეთიკის“ კომისიის თავმჯდომარე, გიორგი ხელაძე.

სხდომას ესწრებოდნენ კომისიის წევრები: ია მოქია, დარეჯან ბურჭულაძე, ნინო მშვიდლობაძე.

არ ესწრებოდნენ: კარლო წილოსანი, კახა ასკურავა და მაკა მშვიდლობაძე.

სხდომას ასევე ესწრებოდნენ მოწვეული სტუმრები: მერიის საფინანსო-საბიუჯეტო სამსახურის უფროსი როლანდ ლაშხია, ლანჩხუთის მუნიციპალიტეტის მერიის ჯანმრთელობის დაცვისა და მუნიციპალური სერვისების სამსახურის უფროსი თამარ ფირცხალაიშვილი, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში: ლაშა სარჯველაძე და საკრებულოს აპარატის მეოთხე რანგის პირველი კატეგორიის უმცროსი სპეციალისტი ია ბარამიძე.

სხდომის თავმჯდომარემ, გიორგი ხელაძემ სხდომა გახსნილად გამოაცხადა და კომისიის წევრებს გააცნო დღის წესრიგის პროექტი:

1. „ლანჩხუთის მუნიციპალიტეტის 2025-2028 წლის პრიორიტეტების დოკუმენტის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებლები: გიორგი ხელაძე; როლანდ ლაშხია/

2. „ლანჩხუთის მუნიციპალიტეტის 2025 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვა.

**/მომხსენებელი: გიორგი ხელაძე; როლანდ ლაშხია/**

3. „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და აპარატის მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 18 იანვრის №5 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

**/მომხსენებელი: გიორგი ხელაძე/**

4. „ლანჩხუთის მუნიციპალიტეტის საკრებულოს რეგლამენტის დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 30 მარტის №15 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების განხილვა.

**/მომხსენებელი: გიორგი ხელაძე/**

5. „ლანჩხუთის მუნიციპალიტეტის საკრებულოს იურიდიულ საკითხთა და ეთიკის კომისიის 2025 წლის სამუშაო გეგმის განხილვის შესახებ.“

**/მომხსენებელი: გიორგი ხელაძე/**

6. „ლანჩხუთის მუნიციპალიტეტის ტერიტორიაზე უსახლკარო პირთა რეგისტრაციისა და მათი დროებითი საცხოვრისით უზრუნველყოფის წესის დამტკიცების შესახებ“ ლანჩხუთის მუნიციპალიტეტის საკრებულოს 2024 წლის 27 აგვისტოს №12 დადგენილების სამართლებრივი ექსპერტიზის დროს გამოვლენილი ხარვეზის შესახებ.

**/მომხსენებელი: გიორგი ხელაძე; ია მოქია; თამარ ფირცხალაიშვილი/**

## 7. სხვადასხვა საკითხები.

**დღის წესრიგის პირველი საკითხი:** „ლანჩუთის მუნიციპალიტეტის 2025-2028 წლის პრიორიტეტების დოკუმენტის დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტი სხდომას გააცნო მერიის საფინანსო-საბიუჯეტო სამსახურის უფროსი როლანდ ლაშხია. მან განმარტა, რომ ლანჩუთის მუნიციპალიტეტში, ისევე როგორც საქართველოს ყველა სხვა მუნიციპალიტეტში აღმასრულებელი ხელისუფლებას ახორციელებს პირდაპირი წესით არჩეული მერი. მუნიციპალიტეტის მერი აღმასრულებელ ხელისუფლებას ახორციელებს მუნიციპალიტეტის მერიის სტრუქტურული ერთეულების (სამსახურები), მუნიციპალიტეტის მიერ დაფუძნებული არამომგებიანი, არაკომერციული იურიდიული პირებისა (ააიპ) და მუნიციპალური შპს-ების მეშვეობით. ადგილობრივი თვითმმართველობის წარმომადგენლობითი, საკანონმდებლო ორგანოა მუნიციპალიტეტის საკრებულო. ლანჩუთის მუნიციპალიტეტის საკრებულო შედგება 27 წევრისგან. მათგან 18 არჩეულია პროპორციული, ხოლო 9 მაჟორიტარული სისტემით. საკანონმდებლო ორგანოს ხელმძღვანელობს საკრებულოს წევრების მიერ არჩეული თავმჯდომარე, რომელსაც ჰყავს სამი მოადგილე. საკრებულოში შექმნილია და მუშაობს 5 კომისია. მუნიციპალიტეტი მოიცავს 16 ტერიტორიულ ერთეულს. ლანჩუთის მუნიციპალიტეტში 28,6 ათასი მოსახლეა, რაც მთლიანი საქართველოს მოსახლეობის 0,78%-ს, ხოლო, გურიის რეგიონის 28%-ს შეადგენს. მუნიციპალიტეტში რეგისტრირებულია 9,2 ათასი პენსიონერი და 1999 ოჯახი სოციალურად დაუცველი სტატუსის მქონეა.

მუნიციპალიტეტის ეკონომიკაში უმნიშვნელოვანესია ბაქო-სუფსის ნავთობსადენი და სუფსის ტერმინალი. სოფლის მეურნეობაში განვითარებულია მეციტრუსეობა, მეცხოველეობა, მოჰყავთ თხილი. მუნიციპალიტეტის საზღვაო ზოლში (წყალწმინდა, გრიგოლეთი, მალთაყვა) განვითარებულია ტურიზმი.

ლანჩუთის მუნიციპალიტეტში ფუნქციონირებს სხვადასხვა საგანმანათლებლო, კულტურული და სპორტული დაწესებულებები. მათ შორისაა:

25 საჯარო სკოლა, სადაც სწავლობს 3667 მოსწავლე;

20 საბავშვო ბაღი - სააღმზრდელო პროცეს გადის 750 ბავშვი;

4 კულტურის სახლი - წრეების პროგრამებზე მონაწილეობს 400 აღსაზრდელი;

1 ბავშვთა საფეხბურთო აკადემია;

18 ბიბლიოთეკა;

ე. ნინოშვილის სახელობის სახალხო თეატრი და მასთან არსებული თოჯინების თეატრი;

1 სპორტული ცენტრი - სპორტის 11 სახეობას ეუფლება 382 ბავშვი;

1 საფეხბურთო სკოლა -ფეხბურთს ეუფლება 200 ბავშვი;

დაწყებითი სამუსიკო განათლების 2 და დაწყებითი სამხატვრო განათლების 1 სკოლა - შესაბამისად 275 და 215 აღსაზრდელი;

მუნიციპალური ქალთა საფეხბურთო კლუბი „ლანჩხუთის ლანჩხუთი“;

პროფესიული სასწავლებელი კოლეჯი „ ჰორიზონტი“.

ლანჩხუთის მუნიციპალიტეტის ტერიტორიაზე დგას ეროვნული მნიშვნელობის კულტურის ერთი ძეგლი — ჯიხეთის ეკლესია. კულტურული მემკვიდრეობის ძეგლის სტატუსი აქვს ეგნატე ნინოშვილის სახლ-მუზეუმს სოფელ არჩეულში.

სხვა ძეგლებიდან აღსანიშნავია აკეთის წმინდა გიორგის ეკლესია და აკეთის მაცხოვრის სახელობის ეკლესია, ასევე აღსანიშნავია მუნიციპალიტეტის ტერიტორიაზე ხელოვნური გამოქვაბულების სიმრავლე. ქალაქ ლანჩხუთში მოქმედებს ლანჩხუთის მხარეთმცოდნეობის მუზეუმი.

ლანჩხუთის მუნიციპალიტეტის 2024 წლის ბიუჯეტი შეადგენს 37.8 მლნ ლარს. ეს მაჩვენებელი ერთ-ერთი საუკეთესოა მუნიციპალიტეტის ბოლო წლების ბიუჯეტების მაჩვენებლებს შორის. ბიუჯეტის შემოსულობების ნაწილს მუნიციპალიტეტის საკუთარი შემოსავლები შეადგენს. არასაკუთარი შემოსავლები ძირითადად შედგება სახელმწიფო ბიუჯეტიდან გამოყოფილი კაპიტალური და სპეციალური ტრანსფერისგან, რომელიც მუნიციპალიტეტს ყოველწლიურად გამოეყოფა ინფრასტრუქტურული პროექტების განსახორციელებლად.

2024 წლის 1 იანვრის მდგომარეობით ნაშთმა შეადგინა 6939,4 ათ.ლარი. მათ შორის განკარგულებებით გამოყოფილი თანხის ჯამმა შეადგინა 2445,3 ათ. ლარი. აქედან 2020 წლის 9 იანვრის N27 განკარგულებით საჯარო სკოლების ინფრასტრუქტურის გაუმჯობესებისათვის 81,4 ათ. ლარი . 2018 წლის 31 დეკემბრის N2577 განკარგულების კაპიტალური ტრანსფერი 214,6 ათ. ლარი, სოფლის პროგრამის ფარგლებში გამოყოფილი ტრანსფერი 106,9 ათ. ლარი. 2019 წლის 14 მაისის N1063 განკარგულების ნაშთი 13,3 ათ. ლარი, 2020 წლის 19 მარტის N574 განკარგულების ნაშთი 46,2 ათ. ლარი, 2019 წლის 18 დეკემბრის N2630 განკარგულების ნაშთი 55,6 ათ. ლარი, N1419 განკარგულების ნაშთია 615,6 ათ ლარი ტურისტული ინფრასტრუქტურის განვითარებისთვის, სტიქიის სალიკვიდაციო ღონისძიებების სალიკვიდაციოდ განკარგულებებით გამოყოფილი თანხებიდან დარჩენილმა ნაშთმა შეადგინა 1256,9 ათ. ლარი.

არსებული ნაშთებიდან მიიმართა 2024 წლის ბიუჯეტში შესაბამისი სამუშაოების დასაფინანსებლად 2082,8 ათ. ლარი, ხოლო 362,5 ათ. ლარი ექვემდებარება უკან დაბრუნებას. სახაზინო ანგარიშზე არსებული 4494,2 ათ. ლარი ნაშთიდან 2024 წლის ბიუჯეტის ხარჯების დასაფინანსებლად მიიმართა 4398,3 ათ. ლარი.

2024 წლის ბიუჯეტის შემოსულობებთან შედარებით ლანჩხუთის მუნიციპალიტეტის ბიუჯეტის შემოსულობების სტრუქტურა 2025-2027 წლებში მნიშვნელოვნად არ იცვლება.

საგადასახადო შემოსავლების ნაწილში გათვალისწინებულია 2025 წლის 1 იანვრიდან საბიუჯეტო კოდექსში დაგეგმილი ცვლილება, რომლის მიხედვითაც დამატებითი ღირებულების გადასახადის 19% განაწილება მუნიციპალურ ბიუჯეტებში. გადასახადების ზრდა გამოთვლილია ქვეყნის ძირითადი მონაცემებისა და მიმართულებების დოკუმენტში მოცემული 2024-2027 წლების ეკონომიკური ზრდისა და დეფლატორის საპროგნოზო მაჩვენებლების მხედველობაში მიღებით. გრანტების საპროგნოზო მაჩვენებლებში, მცირედენი ზრდით შემდგომ წლებზე, მოცემულია ტრანსფერი დელეგირებული უფლებამოსილების განხორციელებისათვის. სხვა შემოსავლებისა და არაფინანსური აქტივების კლების (კაპიტალური შემოსავლები) პროგნოზის გაანგარიშებისას ასევე მხედველობაში იქნა მიღებული ქვეყნის ეკონომიკური ზრდის არსებული პროგნოზები და ამ შემოსავლის სახეობებში ბოლო წლების არსებული ტენდენციები.

ბოლო წლებში არსებული სტრატეგიის შესაბამისად პრიორიტეტულ მიმართულებებზე მიმართული სახსრების ზრდამ შესაძლებელი გახადა ადგილობრივი ინფრასტრუქტურის განვითარება, რითაც თავის მხრივ, უზრუნველყოფილი იქნება მუნიციპალიტეტში მცხოვრები მოსახლეობის სოციალური მდგომარეობის გაუმჯობესება, მუნიციპალიტეტში ახალი სამუშაო ადგილების შექმნა, კულტურისა და სპორტის სფეროების განვითარება.

ზემო აღნიშნულის გათვალისწინებით 2025-2028 წწ-ში მუნიციპალიტეტის სტრატეგია თითქმის უცვლელია და მოიცავს ადგილობრივი ინფრასტრუქტურის განვითარებას, მოსახლეობის სოციალური პირობების გაუმჯობესებას, საზოგადოებრივი უსაფრთხოების უზრუნველყოფას, ჯანსაღი ცხოვრების წესის დანერგვას და სკოლამდელი განათლების ხელშეწყობას. ლანჩხუთის მუნიციპალიტეტის ძირითადი პრიორიტეტებია:

ინფრასტრუქტურის განვითარება;

დასუფთავება და გარემოს დაცვა;

განათლება;

კულტურა, ახალგაზრდობა და სპორტი;

მოსახლეობის ჯანმრთელობის დაცვა და სოციალური უზრუნველყოფა.

მმართველობა და საერთო დანიშნულების ხარჯები.

მუნიციპალიტეტის ეკონომიკური განვითარებისათვის აუცილებელ პირობას წარმოადგენს მუნიციპალური ინფრასტრუქტურის შემდგომი გაუმჯობესება და აღნიშნული მიმართულება ბიუჯეტის ერთ-ერთ მთავარ პრიორიტეტს წარმოადგენს. პრიორიტეტის ფარგლებში გაგრძელდება საგზაო ინფრასტრუქტურის მშენებლობა/რეაბილიტაცია, წყლის სისტემების, გარე განათების ქსელის განვითარება და მუნიციპალიტეტში სხვა აუცილებელი კეთილმოწყობის ღონისძიებების დაფინანსება. პრიორიტეტის ფარგლებში განხორციელდება

როგორც ახალი ინფრასტრუქტურის მშენებლობა, ასევე არსებული ინფრასტრუქტურის მოვლა-შენახვა და დაფინანსდება მის ექსპლუატაციასთან დაკავშირებული ხარჯები.

პროგრამის ფარგლებში განხორციელდება გარემოს დასუფთავება და ნარჩენების გატანა, მწვანე ნარგავების მოვლა-პატრონობა, განვითარება, კაპიტალური დაბანდებები დასუფთავების სფეროში, უპატრონო ცხოველების მოვლითი ღონისძიებები. დაფინანსდება აღნიშნულთან დაკავშირებული ხარჯები, უზრუნველყოფილი იქნება მუნიციპალიტეტის დასუფთავება, ნარჩენების გატანა, მწვანე ნარგავების მოვლა-პატრონობა, უპატრონო ცხოველების მოვლითი ღონისძიებები. შესაბამისად ქვეპროგრამის ფარგლებში გათვალისწინებულია ქალაქის სანიტარული წესრიგის შენარჩუნება და გაუმჯობესება; ნარჩენების სრული იზოლირება მოსახლეობისა და გარემოსაგან; მუნიციპალიტეტის ყოველდღიური დაგვა-დასუფთავება და ნარჩენების გატანა; ქალაქის ტერიტორიის კეთილმოწყობითი და გამწვანებითი სამუშაოები. ერთწლიანი და მრავალწლიანი ნარგავების დარგვა, სკვერებში ბალახის გათიბვა ქალაქისა და მუნიციპალიტეტის ტერიტორიაზე; მუნიციპალიტეტის ტერიტორიაზე არსებული მაწანწალა ძაღლების გადაყვანა კასტრაცია ვაქცინაციის მიზნით.

მომავალი თაობების აღზრდის მიმართულებით დაწყებითი და ზოგადი განათლების გარდა მნიშვნელოვანი როლი ენიჭება ასევე სკოლამდელ განათლებას, რაც თვითმმართველი ერთეულის საკუთარ უფლებამოსილებებს განეკუთვნება და შესაბამისად მუნიციპალიტეტის ერთ-ერთ პრიორიტეტს წარმოადგენს, რომლის ფარგლებში მომდევნო წლებში განხორციელდება საბავშვო ბაღების ფუნქციონირებისათვის საჭირო ხარჯების დაფინანსება, ინვენტარით უზრუნველყოფა.

მუნიციპალიტეტის ინფრასტრუქტურული და ეკონომიკური განვითარების პარალელურად აუცილებელია ხელი შეეწყოს კულტურული ტრადიციების დაცვას და ამ ტრადიციების ღირსეულ გაგრძელებას. ამასთანავე ერთ-ერთი პრიორიტეტია ახალგაზრდების მრავალმხრივი (როგორც სულიერი, ისე ფიზიკური თვალსაზრისით) განვითარების ხელშეწყობა და მათში ცხოვრების ჯანსაღი წესის დამკვიდრება.

შესაბამისად, მუნიციპალიტეტი განაგრძობს კულტურული ღონისძიებების ფინანსურ მხარდაჭერას, წარმატებული სპორტსმენების ხელშეწყობას და შესაბამისი პირობების შექმნას რათა ნიჭიერმა ბავშვებმა და ახალგაზრდებმა შეძლონ მათი სპორტული შესაძლებლობების გამოვლინება, ასევე ახალგაზრდებში ცხოვრების ჯანსაღი წესის წახალისების მიზნით გასატარებელი ღონისძიებების ჩატარება.

მოსახლეობის ჯანმრთელობის დაცვის ხელშეწყობა და მათი სოციალური დაცვა მუნიციპალიტეტის ერთ-ერთ მთავარ პრიორიტეტს წარმოადგენს. მუნიციპალიტეტი არსებული რესურსების ფარგლებში განაგრძობს სოციალურად დაუცველი მოსახლეობის სხვადასხვა დახმარებებით და შეღავათებით უზრუნველყოფას. სახელმწიფო ბიუჯეტიდან

გამოყოფილი მიზნობრივი ტრანსფერის ფარგლებში განაგრძობს საზოგადოებრივი ჯანმრთელობის დაცვის მიზნით სხვადასხვა ღონისძიებების განხორციელებას, რაც უზრუნველყოფს მუნიციპალიტეტის მოსახლეობის ჯანმრთელობის დაცვას სხვადასხვა გადამდები და ინფექციური დაავადებისაგან.

პრიორიტეტის ფარგლებში განხორციელდება წარმომადგენლობითი და აღმასრულებელი ორგანოების დაფინანსება. ამავე პრიორიტეტიდან ფინანსდება ისეთი ხარჯები, როგორებიცაა სარეზერვო ფონდი, მუნიციპალიტეტის ვალდებულებების (სესხები, სასამართლო გადაწყვეტილებები) მომსახურება.

**კომისიის წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.**

**მომხრე 4; წინააღმდეგი არც ერთი.**

**დღის წესრიგის მეორე საკითხი:** „ლანჩხუთის მუნიციპალიტეტის 2025 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო მერიის საფინანსო-საბიუჯეტო სამსახურის უფროსი როლანდ ლაშხია. მან განმარტა, რომ ლანჩხუთის მუნიციპალიტეტის ბიუჯეტის მაჩვენებლები დამოკიდებულია საქართველოში არსებულ მაკროეკონომიკურ მაჩვენებლებზე და საქართველოს კანონმდებლობით დადგენილ მაკროეკონომიკური პარამეტრების ზღვრების დასაცავად განსახორციელებელ ღონისძიებებსა და შეზღუდვებზე.

საქართველოს ცენტრალური ხელისუფლების მიერ 2025-2028 წლების ძირითადი ეკონომიკური და ფინანსური ინდიკატორების საბაზო მაჩვენებლების შესაბამისად (2025 წლის სახელმწიფო ბიუჯეტის შესახებ კანონპროექტის თანდართული მასალები). მუნიციპალიტეტის 2024 წლის ბიუჯეტის დამტკიცების შესახებ დადგენილების პროექტში ხარჯების ეკონომიკური კლასიფიკაციის მუხლით განსაზღვრული ასიგნებების ზრდა შეესაბამება საქართველოს ადგილობრივი თვითმმართველობის კოდექსის 1551 მუხლის 2-ე პუნქტის მოთხოვნებს.

2025 წლის პროგნოზით მუნიციპალიტეტის ბიუჯეტის შემოსავლები ნომინალურ გამოხატულებაში 27705,6 ათას ლარს შეადგენს. 2025 წლის პროგნოზით მუნიციპალიტეტის ბიუჯეტის საკუთარი შემოსავლები ნომინალურ გამოხატულებაში 21254,8 ათას ლარს შეადგენს. 2024 წლის გეგმურ მაჩვენებელთან შედარებით 2024 წლის შემოსავლების პროგნოზი იზრდება 1518,8 ათასი ლარით (6,3 %-ით).

მუნიციპალიტეტის ბიუჯეტის გადასახდელების მოცულობა საკუთარი შემოსავლებით შეადგენს 26958,8 ათას ლარს (2024 წლის დაზუსტებულ გეგმასთან შედარებით იზრდება 1854,1ათასი ლარით). აღნიშნული ზრდა გამოწვეულია მომსახურების ხარჯების ზრდით.

პრიორიტეტების მიხედვით გათვალისწინებულია:

ინფრასტრუქტურის განვითარება - 5770,3 ათასი ლარი;

პროგრამის ფარგლებში განხორციელდება მუნიციპალიტეტის მიერ განსახორციელებელი ინფრასტრუქტურული სამუშაოებისთვის საჭირო საპროექტო დოკუმენტაციის შესყიდვის ხარჯებისა და ექსპერტიზის ხარჯების ანაზღაურება. ასევე, მოხდება სამშენებლო სამუშაოების ტექნიკური ზედამხედველობისათვის საჭირო ხარჯების ანაზღაურება.

მშენებლობა, ავარიული ობიექტების და შენობების რეაბილიტაცია - 1730 ათასი ლარი;

სოფლის პროგრამის მხარდაჭერა 250 ათასი ლარი;

ოჯახების სოციალურ - ეკონომიკური გაძლიერების მხარდაჭერის პროგრამა - 100,0 ათასი ლარი;

დასუფთავება და გარემოს დაცვა განისაზღვრა - 2665,0 ათასი ლარი, მათ შორის:

დასუფთავება და ნარჩენების გატანა - 2343,0 ათასი ლარი;

პროგრამის ფარგლებში განხორციელდება მუნიციპალიტეტის დაგვა-დასუფთავება და ნარჩენების გატანა.

მწვანე ნარგავების მოვლა-პატრონობა, განვითარება - 302,0 ათასი ლარი;

უპატრონო ცხოველების მოვლითი ღონისძიებები - 20,0 ათასი ლარი;

პროგრამის ფარგლებში განხორციელდება მაწანწალა ცხოველების დაცვითი ღონისძიებები.

განათლება - 5059,0 ათასი ლარი, მათ შორის:

სკოლამდელი განათლება - 5000,0 ათასი ლარი;

განათლების ხელშეწყობა - 59,0 ათასი ლარი;

კულტურა, ახალგაზრდობა და სპორტი - 5728,7 ათასი ლარი მათ შორის:

სპორტის განვითარების ხელშეწყობა - 3443,6 ათასი ლარი;

კულტურის განვითარების ხელშეწყობა -2253,1 ათასი ლარი;

ახალგაზრდობის მხარდაჭერა -32,0 ათასი ლარი;

ჯანმრთელობის დაცვა და სოციალური უზრუნველყოფა - 1558,7 ათასი ლარი,

საზოგადოებრივი ჯანმრთელობისა და უსაფრთხო გარემოს უზრუნველყოფა 270.0 ათასი ლარი

სოციალური პროგრამები - 1288,7 ათასი ლარი;

მმართველობა - 6177,1 ათასი ლარი, მათ შორის:

საკრებულოს დაფინანსება - 1530,3 ათასი ლარი;

მერია - 4178,9 ათასი ლარი;

სარეზერვო ფონდი - 70,0 ათასი ლარი.



სსიპ მუნიციპალური განვითარების ფონდისთვის დასაფარავი თანხა და ვალის მომსახურება 68,1 ათასი ლარი, მათ შორის - ძირი 58,1 ათასი ლარი და პროცენტი -10 ათასი ლარი.

წინა პერიოდში წარმოქმნილი ვალდებულებების დაფარვა და სასამართლოს გადაწყვეტილებების აღსრულების ფინანსური უზრუნველყოფა 100,0 ათასი ლარი;

ტურიზმის განვითარების ხელშეწყობა - 229,8 ათასი ლარი.

სახელმწიფო ბიუჯეტის ფონდებიდან დაფინანსება განსაზღვრულია 6665.3 ათასი ლარით.

ლანჩხუთის მუნიციპალიტეტის ბიუჯეტის ხარჯებისა და არაფინანსური აქტივების ზრდა ფუნქციონალურ ჭრილში:

საერთო დანიშნულების სახელმწიფო მომსახურება - 6325.1 ათასი ლარი;

ეკონომიკური საქმიანობა - 5394.6 ათასი ლარი;

გარემოს დაცვა - 2645 ათასი ლარი;

საბინაო-კომუნალური მეურნეობა - 4877.3 ათასი ლარი;

ჯანმრთელობის დაცვა 270 ათასი ლარი;

დასვენება, კულტურა და რელიგია-7468.4 ათასი ლარი;

განათლება -5296.9 ათასი ლარი;

სოციალური დაცვა -1288.7 ათასი ლარი.

ლანჩხუთის მუნიციპალიტეტის მერიამ განიხილა საკრებულოს კომისიებისა და ფრაქციების ლანჩხუთის მუნიციპალიტეტის 2025 წლის ბიუჯეტის პროექტის მიმართ გამოთქმული შენიშვნები და წინადადებები, განხილვის შედეგად ბიუჯეტის პროექტში შეტანილი იქნა გარკვეული ცვლილებები კერძოდ;

მუნიციპალიტეტის 2025 წლის განახლებული ბიუჯეტის პროექტის ხარჯვითი ნაწილი გაიზარდა 1934100 ლარით, ხოლო ცალკეულ ღონისძიებების დაფინანსება შემცირდა 328300 ლარით, ანუ ბიუჯეტი ხარჯვით ნაწილში გაიზარდა 1605800 ლარით. დამატებით აღებული ვალდებულებების დაფინანსებისათვის ბიუჯეტის შემოსავლების პროგნოზი გაიზარდა 1328300 ლარით, მათ შორის;

დამატებითი ღირებულების გადასახადის გეგმის 1058300 ლარით, მიზნობრივი ტრანსფერის 270000 ლარით ზრდის ხარჯზე, ასევე ბიუჯეტის თავისუფალი ნაშთის მიმართვა ხარჯებზე გაიზარდა 277500 ლარით.

განახლებულ ბიუჯეტის პროექტში წარმოდგენილ წინადადებებიდან გათვალისწინებულია შემდეგი ღონისძიებები;

- ქალაქ ლანჩხუთის ადმინისტრაციულ ერთეულში აგრარული ბაზრის, ავტო სალაროს და ბავშვთა გასართობი სკვერის მოწყობა 1 000 000 (ერთი მილიონი) ლარი, (პროექტის სავარაუდო ღირებულება 3377900 ლარი);

- სპეცტექნიკის შეძენა (კალათა) 250000 ლარი;

- სოციალური პროგრამები დამატებით გაიზარდა 64100 ლარით; მათ შორის სამკურნალო და საოპერაციო ხარჯებით დახმარების პროგრამა 15000 ლარი; მძიმე საცხოვრებელ პირობებში მყოფი ოჯახების დროებით თავშესაფრით უზრუნველყოფის პროგრამა 40000 ლარი, ცელიაკით დაავადებულთა (18 წლამდე ასაკის) კვებით დამატების უზრუნველყოფის პროგრამა 3600 ლარი, დღის ცენტრის იავნანას დაფინანსება 3000 ლარი.

- გეოგრაფიული ობიექტების მიმანიშნებელი აბრების დამზადება 15000 ლარი.

- მუნიციპალიტეტის საკრებულოს არაფინანსური აქტივების მუხლი გაიზარდა 10000 ლარით.

- წყლის სისტემის რეაბილიტაციის სამუშაოებზე მიიმართება 350000 ლარი.

- შესაბამის სტრუქტურებთან კონსულტაციის საფუძველზე ა(ა)იპ საზოგადოებრივი ჯანდაცვის ცენტრის დაფინანსება განისაზღვრა 270000 ლარით. (მიზნობრივი ტრანსფერის ხარჯზე).

ღონისძიებები რომელიც ვერ იქნა ასახული განახლებულ ბიუჯეტში პროექტში საკითხები მოითხოვს დამატებით გაანალიზებას და მისი დაფინანსების რესურსების მოძიებას.

კომისიის წევრებმა ისაუბრეს ადმინისტრაციული წარმოების დაწყების დროს გამოთქმულ შენიშვნებთან დაკავშირებით, რომელიც ნაწილობრივ გათვალისწინებული იქნა ბიუჯეტში.

**კომისიის წევრების მიერ დადგენილების პროექტთან დაკავშირებით შენიშვნები და წინადადებები არ გამოთქმულა.**

**მომხრე 4; წინააღმდეგი არც ერთი.**

**დღის წესრიგის მესამე საკითხი:** „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და აპარატის მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 18 იანვრის №5 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო საკრებულოს იურიდიულ საკითხთა და ეთიკის კომისიის თავმჯდომარემ გიორგი ხელაძემ. მან განმარტა, რომ „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და აპარატის მოსამსახურეთა საშტატო ნუსხისა და თანამდებობრივი სარგოს ოდენობებში“ შესატანი ცვლილებები განპირობებულია საქართველოს მთავრობის გადაწყვეტილების საფუძველზე. მათი საქმიანობის დაფასებისა და მოტივაციის გაზრდის მიზნით, მთავრობამ

მიიღო გადაწყვეტილება ხელფასების გარკვეული რაოდენობით კვლავ გაზრდის შესახებ. აღნიშნულიდან გამომდინარე, აუცილებელია ლანჩხუთის მუნიციპალიტეტის საკრებულოში ხელფასების მოწესრიგება.

კომისიის თავმჯდომარემ აღნიშნა, რომ საკრებულოს ფრაქციებისა და კომისიების თავმჯდომარეების თანამდებობრივი სარგოს ოდენობები გათანაბრდა.

**კომისიის წევრების მიერ დადგენილების პროექტთან დაკავშირებით გამოითქვა შენიშვნები და წინადადებები.**

**მომხრე 4; წინააღმდეგი არც ერთი.**

**დღის წესრიგის მეოთხე საკითხი:** „ლანჩხუთის მუნიციპალიტეტის საკრებულოს რეგლამენტის დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 30 მარტის №15 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო საკრებულოს იურიდიულ საკითხთა და ეთიკის კომისიის თავმჯდომარემ გიორგი ხელაძემ. მან განმარტა, რომ ცვლილება განპირობებულია ორგანულ კანონში „ადგილობრივი თვითმმართველობის კოდექსში“ შესული ცვლილებებიდან გამომდინარე. გარდა ამისა, ცვლილება ეხება დადგენილების რედაქციული და სამართლებრივი ტექნიკის თვალსაზრისით დახვეწას.

**კომისიის წევრების მიერ დადგენილების პროექტთან დაკავშირებით გამოითქვა შენიშვნები და წინადადებები.**

**მომხრე 4; წინააღმდეგი არც ერთი.**

**დღის წესრიგის მეხუთე საკითხი:** ლანჩხუთის მუნიციპალიტეტის საკრებულოს იურიდიულ საკითხთა და ეთიკის კომისიის 2025 წლის სამუშაო გეგმა სხდომას გააცნო საკრებულოს იურიდიულ საკითხთა და ეთიკის კომისიის თავმჯდომარემ გიორგი ხელაძემ.

**კომისიის წევრების მიერ საკრებულოს იურიდიულ საკითხთა და ეთიკის კომისიის 2025 წლის სამუშაო გეგმასთან დაკავშირებით შენიშვნები და წინადადებები არ გამოთქმულა.**

**მომხრე 4; წინააღმდეგი არც ერთი.**

**დღის წესრიგის მეექვსე საკითხი:** „ლანჩხუთის მუნიციპალიტეტის ტერიტორიაზე უსახლკარო პირთა რეგისტრაციისა და მათი დროებითი საცხოვრისით უზრუნველყოფის წესის დამტკიცების შესახებ“ ლანჩხუთის მუნიციპალიტეტის საკრებულოს 2024 წლის 27 აგვისტოს №12 დადგენილების სამართლებრივი ექსპერტიზის დროს გამოვლენილი ხარვეზის შესახებ ისაუბრა კომისიის თავმჯდომარემ - გიორგი ხელაძემ აღნიშნა, რომ ქალბატონი თამარ ფირცხალაიშვილი ყოველთვის გამოირჩევა საქმისადმი დიდი პასუხისმგებლობით, რომ მათი ურთიერთობა მუდამ დამყარებული იყო ურთიერთგაგებაზე, ურთიერთპატივისცემაზე - მიუხედავად აღნიშნულისა მიმაჩნია, რომ არ შეიძლება მთავრობის ადმინისტრაციის იურიდიული დეპარტამენტის მიერ - „ლანჩხუთის მუნიციპალიტეტის ტერიტორიაზე უსახლკარო პირთა რეგისტრაციისა და მათი დროებითი საცხოვრისით უზრუნველყოფის წესის დამტკიცების შესახებ“ ლანჩხუთის მუნიციპალიტეტის საკრებულოს 2024 წლის 27 აგვისტოს №12 დადგენილების სამართლებრივი ექსპერტიზის დროს გამოვლენილი ხარვეზის - მიმართ ჩვენი დამოკიდებულება. ფაქტიურად დღემდე არც საკრებულოს, არც მერიის შესაბამის სამსახურს დეტალურად არ უმსჯელია აღნიშნული ხარვეზის გამოსასწორებლად.

ჩვენთვის ცნობილია - 18.12.2024 წლის საკრებულოს სოციალურ საკითხთა, განათლების, კულტურისა და ახალგაზრდულ საქმეთა კომისიის წევრების პოზიცია აღნიშნული საკითხისადმი. მათაც აღნიშნეს, რომ აუცილებელია გარკვეული ცვლილებები შევიდეს 2024 წლის 27 აგვისტოს №12 დადგენილებაში.

გიორგი ხელაძემ აღნიშნა, რომ კომისიის წევრებმა - კომისიამდეც იმსჯელეს საკითხთან დაკავშირებით და მიაჩნიათ, რომ დანართის სამართლებრივი დასკვნის მე-2 და მე-5 შენიშვნების გარდა აუცილებელია გათვალისწინებული იქნეს მთავრობის ადმინისტრაციის იურიდიული დეპარტამენტის სხვა შენიშვნები, ხარვეზები.

კომისიის თავმჯდომარემ თხოვა, მოუწოდა ქალბატონ თამარს, რომ ყოველივე აღნიშნულის გათვალისწინებით, კიდევ ერთხელ გაიაროს კონსულტაცია მუნიციპალიტეტის მერთან და მასთან შეთანხმებით - მიმდინარე წლის 24 დეკემბრის საკრებულოს სხდომაზე დაიწყოს ადმინისტრაციული წარმოება - 2024 წლის 27 აგვისტოს №12 დადგენილებაში ცვლილების შესატანად. ქალბატონმა თამარმა -ითხოვა, რომ კომისიამ გადმოუგზავნოს მას საკითხთან დაკავშირებით შენიშვნები, წინადადებები, რომელსაც შემდგომში განიხილავს.

აღნიშნულთან დაკავშირებით კომისიის სხვა წევრებმა უპასუხეს, რომ ხარვეზების შესახებ მონაცემები კარგა ხანია სამსახურს გადმოეგზავნა საქართველოს მთავრობის ადმინისტრაციის მიერ, თუმცა აქვე განმარტეს, რომ ისინი მზად არიან კიდევ ერთხელ მიაწოდონ მას აღნიშნული დოკუმენტი. აღნიშნა ისიც, რომ თუ საჭიროდ ჩათვლის ქალბატონი თამარი შეუძლია ისარგებლოს იურიდიული კომისიისა და ფრაქცია „ქართული ოცნება-დემოკრატიული საქართველოს“ წევრების მიერ მომზადებული შესაბამისი პროექტით.

კომისიის წევრებმა -ნინო მშვიდლობაძემ, ია მოქიამ, დარეჯან ბურჭულაძემ სრულად გაიზიარეს კომისიის თავმჯდომარის წინადადება - დადგენილებაში ცვლილების შეტანის თაობაზე ადმინისტრაციული წარმოების დაწყების შესახებ.

ამით კომისიის სხდომამ მუშაობა დაასრულა.

ლანჩხუთის მუნიციპალიტეტის საკრებულოს „იურიდიულ

საკითხთა და ეთიკის“ კომისიის თავმჯდომარე



/გიორგი ხელაძე/

ლანჩხუთის მუნიციპალიტეტის საკრებულოს იურიდიულ  
საკითხთა და ეთიკის კომისიის სხდომის  
დასკვნა №10

19.11.2024 წელი

12.00 საათი

მიმდინარე წლის 19 ნოემბერს მოწვეულ იქნა ლანჩხუთის მუნიციპალიტეტის საკრებულოს იურიდიულ საკითხთა და ეთიკის კომისია.

სხდომამ განიხილა დღის წესრიგით გათვალისწინებული შემდეგი საკითხი:

1. „ლანჩხუთის მუნიციპალიტეტის 2025-2028 წლის პრიორიტეტების დოკუმენტის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვა.

**/მომხსენებლები: გიორგი ხელაძე; როლანდ ლაშხია/**

2. „ლანჩხუთის მუნიციპალიტეტის 2025 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვა.

**/მომხსენებლები: გიორგი ხელაძე; როლანდ ლაშხია/**

3. „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და აპარატის მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 18 იანვრის №5 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

**/მომხსენებელი: გიორგი ხელაძე/**

4. „ლანჩხუთის მუნიციპალიტეტის საკრებულოს რეგლამენტის დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 30 მარტის №15 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების განხილვა.

**/მომხსენებელი: გიორგი ხელაძე/**

5. „ლანჩხუთის მუნიციპალიტეტის საკრებულოს იურიდიულ საკითხთა და ეთიკის კომისიის 2025 წლის სამუშაო გეგმის განხილვის შესახებ.“

**/მომხსენებელი: გიორგი ხელაძე/**

6. „ლანჩხუთის მუნიციპალიტეტის ტერიტორიაზე უსახლკარო პირთა რეგისტრაციისა და მათი დროებითი საცხოვრისით უზრუნველყოფის წესის დამტკიცების შესახებ“ ლანჩხუთის მუნიციპალიტეტის საკრებულოს 2024 წლის 27 აგვისტოს №12 დადგენილების სამართლებრივი ექსპერტიზის დროს გამოვლენილი ხარვეზის შესახებ.

**/მომხსენებელი: გიორგი ხელაძე; ია მოქია; თამარ ფირცხალაიშვილი/**

**დღის წესრიგის პირველი საკითხი:** „ლანჩხუთის მუნიციპალიტეტის 2025-2028 წლის პრიორიტეტების დოკუმენტის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი მიღებული იქნა შენიშვნების გარეშე.

**მომხრე 4; წინააღმდეგი არც ერთი.**

**დღის წესრიგის მეორე საკითხი:** „ლანჩხუთის მუნიციპალიტეტის 2025 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი შენიშვნების გარეშე იქნა მიღებული.

**მომხრე 4; წინააღმდეგი არც ერთი.**

**დღის წესრიგის მესამე საკითხი:** „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და აპარატის მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 18 იანვრის №5 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტთან დაკავშირებით შენიშვნები და წინადადებები არ გამოთქმულა.

**მომხრე 4; წინააღმდეგი არც ერთი.**

**დღის წესრიგის მეოთხე საკითხი:** „ლანჩხუთის მუნიციპალიტეტის საკრებულოს რეგლამენტის დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 30 მარტის №15 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი მიღებული იქნა შენიშვნების გარეშე.

**მომხრე 4; წინააღმდეგი არც ერთი.**


**დღის წესრიგის მეხუთე საკითხი:** ლანჩხუთის მუნიციპალიტეტის საკრებულოს იურიდიულ საკითხთა და ეთიკის კომისიის 2025 წლის სამუშაო გეგმა კომისიის წევრების მიერ მიღებული იქნა შენიშვნების გარეშე.

**მომხრე 4; წინააღმდეგი არც ერთი.**

**დღის წესრიგის მეექვსე საკითხი:** „ლანჩხუთის მუნიციპალიტეტის ტერიტორიაზე უსახლკარო პირთა რეგისტრაციისა და მათი დროებითი საცხოვრისით უზრუნველყოფის წესის დამტკიცების შესახებ“ ლანჩხუთის მუნიციპალიტეტის საკრებულოს 2024 წლის 27 აგვისტოს №12 დადგენილების სამართლებრივი ექსპერტიზის დროს გამოვლენილი ხარვეზი გათვალისწინებული იქნა კომისიის წევრების მიერ.

**მომხრე 4; წინააღმდეგი არც ერთი.**

ლანჩხუთის მუნიციპალიტეტის საკრებულოს „იურიდიულ საკითხთა და ეთიკის“ კომისიის თავმჯდომარე









/გიორგი ხელაშვილი/



ლანჩხუთის მუნიციპალიტეტის საკრებულოს "იურიდიულ საკითხთა და ეთიკის  
კომისიის" წევრთა დასწრების სარეგისტრაციო ფურცელი

19.12.2024 წელი  
12:00 საათი

	სახელი, გვარი	გამოცხადების დრო	ხელმოწერა
1	გიორგი ხელაძე	11:50	
2	ია მოქია	12:00	
3	კახაბერ ასკურავა	მხ. ესნუბოძა	
4	მაკა მშვიდლობაძე	მხ. ესნუბოძა	
5	კარლო წილოსანი	ჭვეტუიება	
6	ნინო მშვიდლობაძე	12:00	
7	დარეჯან ბურჭულაძე	11:55	